

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 476868 24 St
Tuzla, 02.09.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „SAH“ d.o.o. za proizvodnju, usluge i marketing Srebrenik, ul. Meše Selimovića 8, nakon provedenog stečajnog postupka, donio je dana 02.09.2025. godine sljedeće:

RJEŠENJE

OTVARA SE stečajni postupak nad imovinom dužnika „SAH“ d.o.o. za proizvodnju, usluge i marketing Srebrenik, ul. Meše Selimovića 8, matični broj subjekta 1-1347, JIB:4209033500000, račun broj: 1321500308988924 otvoren kod NLB banka d.d. Sarajevo.

Za stečajnog upravnika imenuje se Nedim Unkić iz Gradačca.

ZAKLJUČUJE SE stečajni postupak nad imovinom dužnika „SAH“ d.o.o. za proizvodnju, usluge i marketing Srebrenik, ul. Meše Selimovića 8, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 476868 24 St od 06.02.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „SAH“ d.o.o. za proizvodnju, usluge i marketing Srebrenik, ul. Meše Selimovića 8, a za privremenog stečajnog upravnika imenovan je Nedim Unkić iz Gradačca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 12.03.2025. godine. Iz izvještaja privremenog stečajnog upravnika i navoda datih na ročištu i ostalih navoda i dokumentacije u spisu proizilazi da je društvo prestalo obavljati djelatnost (maloprodaja robe i pržionica kafe) otprilike 2009. godine, kada je i blokiran glavni račun društva i to 29.01.2009. godine. Obaveze društva se odnose na dug prema PU F BiH u iznosu od 12.561,42 KM, uz rezervu iskazanu u izvještaju da bi se eventualna zastara ove obaveze mogla cijeliti tek ukoliko bi bio otvoren stečajni postupak (uz napomenu suda da je PU F BiH naknadno dostavila dopis u kojem je iskazala ukupan dug društva od 47.408,18 KM). Osim navedene obaveze nisu konstatovane bilo kakve obaveze prema dugim licima, niti bilo kakvi sudski postupci u kojima je društvo tužilac ili tuženi. Društvo u svom vlasništvu nema nepokretnosti, nema pokretnih stvari, novčanih sredstava, dionica ili udjela u drugim društvima, niti potraživanja koja bi bilo moguće naplatiti, odnosno nema bilo kakve imovine iz koje bi se mogli finansirati troškovi stečaja i namiriti potraživanja povjerilaca.

Dakle, sud nalazi da je podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 27.12.2024. godine, a račun blokiran 29.01.2009. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 27.03.2025. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 7.089,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 26/25 dana 09.04.2025. godine, oglasnoj tabli suda dana 28.03.2025. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.